

**5×3 kg. í skel með görn.**

35—60 kr.	296.00 pr. lb. Cif. Milano.
45—60 —	296.00 pr. lb. Cif. Milano.

**6×5 lbs. í skel með görn.**

7—9 kr.	1 210.00 pr. lb. Cif. U. S. A.
9—12 —	1 148.00 pr. lb. Cif. U. S. A.
12—15 —	1 093.00 pr. lb. Cif. U. S. A.
15—18 —	952.00 pr. lb. Cif. U. S. A.
18—24 —	851.00 pr. lb. Cif. U. S. A.
24—30 —	780.00 pr. lb. Cif. U. S. A.

Verðbil verður 3%.

Greiðslur í sjóðinn miðast við 50% af verðbreytingu frá grundvallarverði að viðbættu eða frádrægnu verðbili.

*Sjávarútvegsráðuneytið, 13. júní 1977.*

F. h. r.

Gylfi Þórðarson.

*Kristín Magnússon.*

Nr. 249.

15. júní 1977.

## AUGLÝSING

um friðlýsingu Salthöfða og Salthöfðamýra, Hofshreppi,  
Austur-Skaftafellssýslu.

Samkvæmt heimild í 24. gr. laga nr. 47/1971 um náttúruvernd hefur Náttúruverndarráð fyrir sitt leyti ákveðið að friðlýsa Salthöfða og hluta af Salthöfðamýrum í Hofshreppi í Austur-Skaftafellssýslu og er svæðið **friðland**.

Mörk svæðisins eru þessi:

Salthöfði ásamt Gimlukletti, Loddudrang og Einstakakletti. Að norðan bein lína nyrst úr nyrsta kletti í Salthöfða vestanverðan neðst í klettinn vestan við lækinn sem rennur við Fjárklif. Að vestan lína úr gljúfurmynni vestan Miðfellstanga um lækinn við Fjárklif í línu að sunnan. Að sunnan (sjávarmegin) lína sem tekur mið af efri Kvíarhól (við enda Kvíarmýrarkamb) að suðurbrún Steinafjalls í Suðursveit. Frá suðurmörkum að austan lína suðaustur frá Álhólma um Landál milli Álhólma og Stórusvæðu eftir miði í Fjárklif en frá Álhólma eftir miðjum Landál að Salthöfðanefi.

Um friðlandið gilda þessar reglur:

1. Óheimilt er að breyta landslagi á svæðinu, náttúrulegu grunnvatnsborði og rennsli straumvatna. Vikurtekja við Salthöfða er háð eftirliti umsjónaraðila friðlandsins.
2. Mannvirkjagerð er óheimil í friðlandinu nema samkvæmt samningum milli ábúenda og Náttúruverndarráðs eða með sérstöku leyfi umsjónaraðila (sbr. 6. gr.). Gildir þetta um byggingar, vegi, skurði, girðingar og önnur mannvirki. Heimilt er þó að halda við þeim mannvirkjum sem fyrir eru á svæðinu við friðlýsingu, m. a. girðingum.

15. júní 1977.

3. Friðlandið má einungis nytja á þann hátt sem tíðkast hefur, svo sem til slæгна, beitar og ála- og silungsvéiði.
4. Bannað er að fara með skotvopn um friðlandið nema til eyðingar meindýra. Fuglatekja er óheimil nema svartbaksunga. Eggjataka er aðeins heimil ábúendum skv. gildandi lögum um fuglaveiðar og fuglafriðun. Varast ber að skerða gróður eða valda truflunum á dýralífi.



5. Gangandi og riðandi mönnum er heimil för um friðlandið ef þeir brjóta á engan hátt í bága við tilgang friðlýsingarinnar. Ekki má nota vélknúin tæki í friðlandinu nema í sambandi við hefðbundna nýtingu þess.
  6. Náttúruverndarnefnd Austur-Skaftafellssýslu hefur umsjón með friðlandinu fyrir hönd Náttúruverndarráðs og getur veitt undanþágur frá 2.—5. gr., ef brýn ástæða þykir til, með samþykki Náttúruverndarráðs.
- Til undanþágu frá reglum þessum þarf leyfi Náttúruverndarráðs eða þess sem fer með umboð ráðsins.

Um viðurlög vegna brota á reglum þessum fer eftir ákvæðum náttúruverndarlaga.

Ráðuneytið er samþykkt friðlýsingunni sem tekur gildi við birtingu þessarar auglýsingar í Stjórnartíðindum.

*Menntamálaráðuneytið, 15. júní 1977.*

**Vilhjálmur Hjálmarsson.**

*Runólfur Þórarinnsson.*

Nr. 250.

## REIKNINGUR

Sjóðs Morten Hansen til stofnunar kennslubóka- og kennsluáhaldaafns í Reykjavík.

Ársreikningur 1976.

Tekjur:

Eign 1. janúar 1976.

Sparisjóðsinnstæða	kr.	39 221.00	
Söfnunarsjóðsinnstæða	—	188 195.00	
			kr. 227 416.00

Vextir:

Af söfnunarsjóðsinnstæðu (aðaldeild nr. 566)	kr.	29 535.00	
Vextir af sparisjóðsinnstæðu í Landsb. Ísl.	—	5 098.00	
			— 34 633.00
	<b>Samtals</b>	<b>Kr.</b>	<b>262 049.00</b>

Gjöld:

Eign 31. desember 1976:

Sparisjóðsinnstæða í Landsb. Ísl., bók nr 12828	—	44 319.00	
Söfnunarsjóðsinnstæða, aðaldeild nr. 566	—	217 730.00	
			— 262 049.00
	<b>Samtals</b>	<b>Kr.</b>	<b>262 049.00</b>

*Menntamálaráðuneytið, 30. maí 1977.*

F. h. r.

**Birgir Thorlacius.**

Reikning þennan hef ég endurskoðað, kannað eignir sjóðsins og ekkert fundið athugavert.

Ríkisendurskoðunin, Reykjavík, 1. júní 1977.

**Kristján Einarsson.**